

連雲書屋存稿

連雲書屋存稿卷三

益州 焦和生 琴齋

祈晴二首

辛酉九月後連陰月餘民房倒塌甚多四鄉淹浸牲畜屋糧多被水衝余率屬

虔禱三日而晴霽

課晴問雨意難禁今歲秋霖積滂深一月連絲迷日影  
萬家烟火壓雲陰登城遠望無涯岸附郭山村剩樹林  
我捧瓣香虔步禱願披重霧見天心

海外明神竟有靈祈晴祈雨我頻經香焚兩日雲披絮  
誠禱三朝月滿庭轉眼光華明繡野歡心鳥雀啄莎廳

士民離險躋仁壽快洗泥塗飲綠醕

予因亡未秋颶風之變幾無下榻所將花廳側卧  
室牖戶前後俱釘竹簾南北兩小院遍栽修竹次  
年新篁盛發茂密陰森旣可避暑又能禦風實一  
舉而兩得也喜而有作三首

怪雨盲風駭客魂棲身無處歷朝昏初來驟值波濤險  
事後徐思補救門窗上釘簾搖月魄院中栽竹產龍孫  
消寒却暑雙收益欲老吾生海外村

生來愛竹勝添丁幾度春雷頓露形娛目中邊一色碧

開窗前後萬竿青  
藏風含雨容高枕  
籠月和烟透曲櫺  
消受人間清絕福  
夢魂不復嘆漂零

獨坐幽篁寤寐歌  
清風明月恣吟哦  
此君相對能醫俗  
老屋藏身况養和  
寒暑頻經新歲序  
簷櫳不易舊簾波  
竹林他日留泥爪  
安樂應題海外窩

沈香

產黎山年深膏  
膩遂足若佳

儋崖異產絕無羣  
沈水香含黎母

山名

雲堅比金精  
滋玉

色清同鶴骨  
瘦龍筋  
山中經久脂膏足  
世上爭傳氣味芬  
從古事神誇絕品  
至今入貢備蘭薰

大榕樹

在箭亭西

一望重雲密瓊南識大榕晴天含雨色冬日帶春容不  
墜  
島入藏身穩人來喜蔭濃斧斤常不害散木等喬松

木芙蓉

島外羣芳奪化工易生尤數木芙蓉三春手折沿堦插  
秋日花開萬朶紅

此花易謝亦常開五色爛熳暎月臺誰道使君親手種

不如潘令縣中栽

每株中五色全有  
每朶中亦五色全

佛桑

紅奪安榴是佛桑燒空明艷滿庭芳常開好似燈無盡  
應識空王戀故鄉

青珊瑚

幾樹珊瑚枝節青無花無葉透瓏玲越人休當珍奇貢  
留與門庭作畫屏

賈素齋自惠州來瓊出伊墨卿太守贈行詩見示  
因次韻二首以贈

雪中鴻爪水中鷗詩客偏宜嶺海遊春蒲羅浮初轉棹  
刺桐花發到瓊州

珠江握手憶前緣惠我瑤編自二泉

素齋無錫人前在羊城相識承惠詩

冊自錫山帶來者

今日錦囊知愈富豐湖唱和又經年

### 瓊俗雜咏

名利獨誇金粟菴

寺名在東坡祠側

白衣如意

二菴名俱在城外

恣幽

探宰官心跡浮生夢可與遠公同一龕

見說靈山祀六神

山距郡城廿餘里偏東南六神相祈傳元時土人成神者祈雨最驗

晴祈雨佑黎民辦香特爲瓊人禱助我施行有脚春

醫病偏延神至家村巫跳躍語誼譁可憐九死一生際

金鼓猶從載鬼車

會見街民有病者將死猶鳴鑼鼓用一小車將病者載之滿屋推轉上下

跳躍不一時停鐃住鼓  
問之從人則云人死矣

年年冬盡接新春士女華妝聚若雲一處春光行不到

幾多怨口議紛紛

俗於迎春日士女觀者如堵官必沿街行遍乃得民欣悅否則以爲春光

不到之處矣

清明墓祭日偏長民四軍三各主張惹得烏鴉爭飲啄

出城半月有行糧

民間清明墓祭不拘日期自二月下旬至三月初十前均有祭者雖有軍

三民四之諺然亦不能准定大約士商軍民各有分別也

時逢五月放風箏一線牽連晝夜鳴想爲南方風已競

島人飛舞試鵬程

五月南風多勁故民間於此時競放風箏



正月烟花共鬥妍中秋燈綵更紅鮮不知買盡瓊人笑

費却民間幾萬錢燈花名會多半事神所用

由瓊郡出師赴崖州征黎作甲子年二月初一日

吉陽倉猝起妖氛恰值新年異事聞癸亥除日崖州及感恩同報黎變

三路官兵雖並集一城將帥未能軍甲子正月初六日先與鎮臺西商派

現營署都司沈如學僱營署遊擊賴英萬營守備陳明

亮等各帶鎗兵一百名先往協同崖營署參將劉高飛

剿捕時余兼署道篆新本道海將至未能親去先派委

員湯貽勲押解兵餉前往帮同署收鍾璜相機妥辦嗣

據鍾署牧稟各武員因無統屬不能相下又毫無籌策

以致黎匪東剿西竄蔓延日多不見功效懇請鎮道派

員領取令箭督辦等語時余已卸道事故稟商本道與

鎮臺計議派中軍徐遊府代領令箭偕余督同官弁兵

勇及糧餉等赴崖督辦一  
面通稟大憲卽日起程  
兕黎到處民遭毒飛報傳來

日望雲好出雄師先制勝南行分布鶴驚羣

同行差喜得徐君殿賜癸丑武狀元劍倚長天義薄雲力挽六

鈞誇國士驚人三箭號將軍領令箭三枝運籌帷幄謀先定

料理戎裝餉早分弁兵均先酌借行糧製補衣裝從古兵機貴神速申

嚴將令莫糾紛

爲

國宣勞赴瘴鄉食焉怠事受天殃要當夙夜忠  
心篤自有神明呵護長雲擁旌旗生彩色日臨戈戟露光芒島

夷定自聞風懼鳥雀紛飛狐兔藏

同行有畏瘴者故寬慰之

瓊海風淳忠義俱同伙各各効先驅健兒躍馬思擒賊  
婦女彎弧不愛軀自古師和知必克况茲頑梗技尤愚  
郡城荔子三春熟待我歸來剩幾株

初到崖州安民作

二月十一日

軒車觸目盡驚魂鴻鴈哀嗷不忍論三百山莊剩隄土

各村被

黎焚燒八千赤子泣城門

初到見逃難窮民老幼聚集各帶車牛盈於街巷凡衙署

廟宇牆陰城角哭

撫綏亟爲謀安宅軫恤先須令飽溫

聲無處不震地

余到先委鍾署牧連夜查明被難戶口詢其家產有田  
園可歸者卽令新派剿黎官兵順送回里其無家可歸

者分註大小口散處各廟間房按日指日岐黎掃除盡恤給錢米無令失所尚有七百餘人

分兵送爾各歸村

散賑非難查賑難無偏無漏始心安

余方在崖督辦一切剿捕事宜及糧

餉守城審案調度招撫等事不能分身下鄉查點被難民戶故稟委卸署萬州事周令來崖挨村逐細查明造冊辦寧教編戶歌重飽莫使窮民嘆乏餐房屋論間資

繕費死亡計口與埋棺

時仿照惠州辦理成案每被燒房一間撫恤銀一兩死亡人一口恤棺殮銀二兩傷者減半此項銀兩稟明捐辦不入報銷

奸胥手意在閭閻受惠寬

派兵二首

養軍千日用崇朝

聖主恩深雨露饒死賊分屯心若蟻英雄賈勇氣如潮  
兵民相衛同唇齒魁桀先擒等雉梟待得黎疆平定後  
論功行賞達

熙朝

戰守由來不可偏立身無敗最爲先

余到崖時聞三日

村庄殺人而武弁數人毫無布置不先於緊要處派兵  
守巡故黎匪乘間西剿則東竄東捕則西出民受害不  
堪余與帶兵徐遊府公議欲戰必先能守黎匪雖衆幸  
無鳥鎗一聞火器立即逃竄酌於各口要路處派鎗兵  
守禦數十里間派一武弁巡查不使一匪竄出而西路  
黎匪首夥俱聚於鳳嶺抱懷二山派參遊大員三四人

及守備等能事者領精兵千餘及文員所帶鄉勇等直  
進大山搗其巢穴數日間連獲勝仗擒匪多名衆黎畏  
懼多來投首幫同効  
力故能指日成功  
鎗兵分截三條路  
東黎出入溝口  
三亞小橋等三

處  
猛士專攻百尺巔  
鳳嶺抱懷  
二山絕高鳳嶺渠魁須早得抱懷

黨類莫教延  
首逆張那梗住鳳嶺  
韋亞五等住抱懷嶺諸君努力期神速勉

奏膚功報凱旋  
鄭參府上賴遊府英  
沈都司如學帶兵入

### 守城

彈丸黑子一荒城偏有妖氛未廓清疊嶂行兵迷洞壑

深林藏寇易縱橫難教密網開三面須警疎防在五更

時官兵攻剿賊穴分守隘口  
雉堞往來鐘鼓動披衣行  
余捐雇鄉勇數百督率守城

坐到天明

修城

初到崖見城墻低矮並多殘毀垛口亦多不全難以捍衛故委員估計趕緊修築

一片歌危舊短墻登臨四望景蒼涼  
椰椰接葉重重蔭

瘴癘和烟密密香

崖州樹木檳榔椰子居十之七八城頭一望皆是竟無空平之地直入山

嶺故黎人出沒恃為藏身之固二月中  
句檳榔花開則到處皆瘴其味多香氣  
捍患禦災先固

圍濬池高壘始屯糧與民同守期無去  
借賑鳩工好共

商

時方捐賑難民因復以工代賑

平黎作

三月十五日

浦城士女各歡欣此日渠魁遞就擒  
占筮有靈迎月望

余挾有邵子呂祖二數書每誠卜功成之日總有明月  
園之語後張那梗於三月十五常亞五四月十四就擒  
餘要犯亦各於十四五日人謀既定合天心市廛同慶  
獲到回郡於五月望日行  
來珍寶田野羣歌得雨霖從此黎氛掃除盡豐年安飽  
樂園林

凱旋四首

五月十五日

四月吉陽烟瘴天軍書旁午未停鞭今朝乍喜旌旗轉  
昨日俘囚首從全將士辛勤能用命國家威德浩無邊  
書生幸免無貽誤敢說兵機獨占先

回首中春羽檄馳此間舉目正淒其蠻山村落餘煨燼



瘴海窮民苦亂離三里荒城齊避難萬家烟火變啼饑  
祇今追憶皆天幸果見

王師恰應時

健兒高唱大刀環到處黎人共歎闕撫恤顛連須得所

招徠頑梗各歸山

前已查明難民撫恤按戶  
黎人疑畏者各招回山村巡防不用

糧爭撤

前東西兩路各設糧臺  
供應防剿官兵口食

版築重興稻倍刪民村房屋

被焚者給費修築  
是歲崖境稻豐收

四路平寧兵返伍

萬州兵自東路平  
定後即先撤儋州

兵於匪首獲到日亦即撤回惟郡城與崖州本  
營兵先撤一半餘留巡查隘口完案日全歸伍陣雲消

盡永清防

露布初停作凱歌從來地利讓人和柳花作瘴消羈魄  
到崖日正值嶺椰花開瘴盛之時黎中風水毒劣人人  
有死亡之憂幸天假之緣剿撫兼施得早藏事實爲萬  
幸然官弁兵民鰥水乘春湧毒波戰士同心能不懼受  
病死者不少

降因勢益良多他年誰訪平黎畧鴻雪陳踪幸莫訛查

南黎案從前辦理多未妥善往往省城兵到大憲勢難  
久住地方官供應浩繁不得不將就完案騙買愚黎幾  
十名冒充正犯而首惡罪魁轉得置身事外毫無懲創  
又每次查辦起事之由多由錢債必先重治放債之民  
人罪至遣流雖民人已被黎殺害多名亦不得援減又  
追參歷任失察官弁分別降革不准抵銷是以黎人益  
長刁風憫不畏法况大憲渡海不過在郡城駐劄犯案  
黎匪勢必解府城辦理如大憲不到瓊郡又必將匪衆  
解省辦理崖州至府千里至省二千七百餘里深林密  
箐過港渡洋在在有疎脫之虞且黎匪殺人放火搶劫

民財一空黎人見其作惡而不見其伏法既不足以示  
儆戒而民人之受害者亦無由舒其怨憤之氣余念及  
此晝夜靡寧故與武營帶兵之徐遊府妥商自備資斧  
作爲久住之計半攻半撫令其心悅誠服並懸重賞令  
黎人出力或作眼目或帶路徑或設法誘致各要匪先  
後俱就擒獲並無一名漏網亦無一人假冒其罪罪投  
出者亦稟明臧等發遣寧寬無濫實從前所未有又此  
次首匪張那梗等到案供明起事之由實因黎中歉收  
向民人陳姓等借貸不遂起意將陳姓一家殺死遂傳  
簡各黎村謀逆等情亦非商民放債盤剝激變故文武  
歷任官可免處分而民人亦免究治亦從前未經辦過  
况親住崖城四月之久遍受盛瘴將首從要犯全獲稟  
明大憲卽在本處由本道會同武員代大憲恭請  
王命將各犯分別正法黎畏民懷尤往日所未見也故  
特述顛末以告後之辦黎案者倘諒余之苦心或一二  
有可採取焉

# 崖州論古詩

李文饒公

德裕唐文宗時相因牛李之黨貶崖州卒

晚唐賢相李崖州萬里爰荒只一投欲問當年鴻爪處

野黎村裡有夷酋

志載崖黎多港村李姓卽公後人宋元時尙有人見其家藏誥命

由來怪石說平泉遺誠兒孫莫棄捐今日酒醒何處問

空留瘴雨與蠻烟

平泉有醒酒石

丹旼曾聞獻六箴祛邪幾度格君心如何朋黨終難去

空使文宗淚滿襟

十賢祠裏首垂名

祠在瓊郡西門外

到底文饒德業榮往日奸

邪空糞土萬羊宰相死猶生

趙忠簡公

鼎宋高宗時相因不附和議貶崖州自作墓誌題旌不食死

中興賢相推忠簡奸檜何緣欲殺之親寫誌銘留子嗣  
可憐致命忍饑時

浴日補天同魏公君臣知遇古今隆如何卒入奸人譖  
竟使爰荒飲恨終

偏安一角君王意恢復中原臣子心終竟權奸成主志  
英雄那得不沾襟

身死猶隨傳說星山河壯氣一心盟吉陽終古留佳話  
絕筆親題沒後旌

胡忠簡公

銓官宋樞密院編修因上疏論和議貶崖州

當年抗疏斬王倫魯仲連同不帝秦若使君王行此策  
中原安得屬金人

憐才進士鐫書稿敵國購求傾橐金千古奇文人共賞  
曹瞞武曌亦同心

丁晉公

謂宋真宗時相以黨內侍雷允恭貶崖州

放逐忠良太絕情民居不許駐行旌商君作法終親試  
空使千年遺臭名

謂貶寇準雷州行令民間借與房屋者同罪旋亦被貶借民房不得

當年宰相投荒老尙說朱崖第一州夜望臺星何日亮

眼中釘亦不知羞

謂在崖間其客曰天下州孰爲大客曰京師大謂曰不然當今宰相在崖

州則崖爲大矣又嘗夜望臺星明暗以冀復用

### 黎中雜咏

五指凌雲不可躋

五指山在黎內

天然地險窟羣黎茹毛飲血

風醇古

生黎打牲爲業尙有不火食者

鑿井耕田質悶迷文字全無仿

繩結衣冠不用稱巖棲逢人慣作縣蠻語椎髻齊眉等

月題

黎人衣冠全無目不識丁與人約信惟比草楷短長或結繩扣爲記或用竹烙印爲憑首前挽髮爲

椎形用絲絲少許繫住簪以竹木或骨簪

山中老死不知年太古渾淪最可憐終歲章身方尺布

黎人不知年紀人間之但比身之長短  
爲記認每勝問遮一方布用帶提繫平生束髮幾絢

絲豪華相鬥誇椰畜嗜好同情在酒烟更有迂愚堪笑

處兒生誓不使爺錢  
黎以種椰養牛爲富飲酒吸烟兒生七八歲卽各製一筒竹鎖錮留

縫積錢如撲滿雖貧窘亦不肯開甘心稱貸受人盤剝惟恐人知己之有錢也死則將筒殉葬其子亦以不用

父錢爲孝

婚姻無事問爹娘樵採山中女並郎歌曲賞音期合調

摘花辨色共聞香  
黎人爲兒女時在山打柴男女相悅以唱曲採花爲戲彼此投合卽訂婚

約歸稟父母通媒無不成者同心相約情先定稟命通媒事可商最

是親迎儀更簡披衣壻背婦歸房  
親迎禮亦有諸黎排隊鼓吹等事而車馬



不用只各披長衣一件男

負女於背上歸去成親

生能挾矢復張弓勢衆人強便自雄向化黎詞憑聽斷

服勞公務亦交通

黎人木弓竹箭皆能射準人衆力強者卽爲頭目聽斷黎詞應官差拏人

等哨官總管皆頭目射鹿驅蛇入樹叢

其黎頭爲一路之長東西各一

由官給照承充所轄有總管哨官村老等名目

領得花

紅誇里巷歸來祀祖供當中

官賞銀牌銀花紅布等及烟酒卽欣然自得誇於鄉

里歸供祖先以爲

光榮難得之事

採得沈香盡易牛耕田祭鬼聚羣酋

山中出沈水香得者卽以換牛以備

耕田祭祀及

病人惟聽村巫禱

黎人病不服藥惟聽巫者求神許願

窮乏

奉其酋長

偏從市僧求避債無臺憑剝削窮黎多借商民錢報讐

有令起戈矛

黎被迫情急即相仇殺

會聞三次王師動

幾萬生靈觸瘴休

明自嘉靖至萬歷年間三次征黎師動十餘萬財以數十萬計數省督撫

提鎮久駐迄無成功終歸招撫完事蓋黎人得地利山中瘴盛官兵進飲其水即病疫無救坐使數萬兵臨歸

時百不剩一矣可慨也

窮黎蠢蠢信愚哉混沌心情總未開子母奇贏原不識

田園貲產任人裁

黎借商民債年月間其利不知數十倍田園家產全行折算甚至有將妻

子折去爲奴而原借之債尙未消除者

奸商蠹役常爲祟乞丐遊僧亦作

災余在崖時聞有乞丐行僧入黎討乞募化所要米糧過多不能自帶竟敢勒派黎人沿路抬送並自坐小

轎令黎丁  
拾送出山  
冤憤百端無可訴負嵎走險亦堪哀

平黎扼要在冲虛博訪黎情自裕如德禮招懷先去黨

恩威廣布爲擒渠

余到崖先招其未從逆及聞風自投出者十日內安撫八十餘村擇其明

理急公者數人加以恩意令其入山誘致首匪不一月全行擒獲蓋重賞之下必有勇夫而以毒攻毒事半功倍其受安撫歸村者日進鹿豕報効樂爲出力捐金行始知誠信相感豚魚可通况黎亦猶人面者乎間功成易因病投醫治有餘安得勤明良刺史隨時整飭化巖居

余每獲黎匪卽細詢其山內情形及首匪所親信之人并有無嫌隙之處一一得其要領

卽連夜書寫卽諭購線入內川間使其自相矛盾故首逆不至一名漏網者以黎攻黎之效也至善後事宜條議亦經詳明大憲入奏使該處州牧及武營參府等皆得其人卽永無黎案可也

黎中境界犬牙分瓊萬儋崖信息聞要在撫循令得所

偶然呼應亦能軍

黎山中南北通瓊崖東西通儋萬而各有界限余在崖時恐首匪聞拏窮

蹙或竄出本界卽難捕獲星速札諭各鄰境黎頭各帶黎兵堵禦并懸重賞令其助力立功而儋黎符忠全素知大義愛好急公尤爲各黎首悅服親帶黎壯數百名守口并傳諭各黎目合力擒獻渠魁有欲親帶黎兵赴崖會官兵剿匪奸民作蠱須驅遠聽訟如神自解紛守之語尤爲出力 發遇有黎詞卽時審結並諄囑各屬於民黎交涉詞訟速爲秉公聽斷勿遲 果使羣酋咸悅服何愁致力不情殷

乙丑五月留別瓊州送行諸紳士

儋耳珠崖海外州我來守此六經秋士風猶自傳鄒魯

民俗依然似越甌。四季皆春天。最暖一年三熟稻。恒取  
太平和氣。消烟瘴。不羨逍遙物外遊。

爲念萱闈辭守。羈徑攜琴鶴返遼陽。朋僚握手難爲別。  
黎庶攀轅實可傷。自媿居官多缺陷。何堪衆愛意深長。  
歸家親友如相問。定說瓊臺人士良。

渡海紀程詩

無官身已似輕舟。又逐風帆破浪遊。出得瓊洋回首望。  
一場春夢六經秋。

海安茆店極荒涼。對客銜杯興轉長。何事北歸心最喜。

竟離苦海就康莊

早起登程廿里遙徐聞

縣名

城外路迢迢日中炎暑肩夫

苦檢點行裝駐下橋

地名

道經英利

地名

貨如雲客館清涼日已曛今夜不知何處

宿計程共說到將軍

地名

南興民物甚豐穰南渡潮來水色長

南興墟名南渡一渡名俱海康界

路稻香三十里軒車頃刻抵雷陽

卽雷州府

寇公祠上竹生芽陸子泉邊可試茶海外故人傾蓋別

瓊州司馬宗公聖垣時署雷州途中握別

停車城月

地名

日初斜

東海

遂溪縣界

鯨波久未平海邊荆棘任縱橫可憐明敏遂

溪令

章令廷樺時聞被洋盜註誤

空被妖氛誤此生

石城

縣名高州府屬

山勢劇嵯峨山上城頽石亦多原是彈丸

邊海地政煩民擾可如何

小茶山

山名石城縣界

上新茶山寺僧人意可嘉汲水烹茶

親獻客自將土產作生涯

茶山寺

化州橘子色青青帶水環山地有靈見說此間風化好

二千童子試公庭

化州高州府屬時方考試文童

公館墟頭歲有收市人交易穀和牛賣牛賣穀民間事

剗肉醫瘡我欲愁

公館墟茂名縣界亦高屬

攀山倚水過三橋路到烏坭共幾條

三橋烏坭俱地名

怪得此

間名大雅果然客館亦逍遙

大雅墟高州電白縣界

當年奉使西川路曾試華清第二湯今日枯藤

山名電白縣界

山下過溫泉髣髴似驪陽

吏事勞人俗務侵未從海外滌塵襟何期借得清涼境

痛洗年來積垢深

溫泉沐浴二首

伍藍

地名電白縣界

市上衆聲喧爭看盧循解省垣此地行人

渾雜還呼僮早閉是非門



田子塘

塘名

前遇野僧齋堂茶話冷如冰晚來安憩太平

驛

驛名係肇慶府屬陽江縣界

念到萱闈淚不勝

是日老母生辰

早發太平五十里日中小憩在茶亭

地名

今宵應改舟行

路短艇低看湖色青

是日到青湖換舟行

向晚溪行路幽灣夜深但聽水潺潺曉來一片風帆影

卧看春州萬疊山

春州卽陽春縣沿溪石山玲瓏奇秀可愛

陽春道上石山新奇秀玲瓏畫不真兩岸迴環勞應接

歸人直作看山人

山水於人真有情我於山水眼偏明名山前路方無盡

舟到黃泥換陸行陽春道中二首

黃泥灣地名上趁朝陰穩坐籃輿度竹林一路好山看不

盡新州河下雨涔涔至河頭仍舟行屬新興縣界舟可直抵省

舟行冒雨夜燃燈十里青山喚欲應雨後新添三尺水

片帆一刻到新興

新興荔子帶枝香核小津甘味最長飽啖何妨拚肉熱

北歸難得此瓊漿新興荔枝

別却瓊南潯暑天行行不覺月華圓新州路上迴風急

半日羈留下瀨船新興舟中阻風

北風一夜打船頭，  
傍曉風停浪亦收。  
舟子櫓聲搖未歇，  
平明早已到端州。

滇綏江並牂牁水，  
到此合流支派分。  
試向崑都山下望，  
檣帆來往正如雲。

三水縣屬滇陽綏江牂牁  
三江至此合流崑都山名

### 清遠縣

水光環繞同圍帶，  
山色橫排似列屏。  
忘却此身在城市，  
開門江上對峯青。

自瓊州歸里作

乙丑十二月

半生遊宦走天涯，  
廿載離鄉得到家。  
梗泛萍飄初泊岸，

風餐露宿始停車驚魂波浪瀾漫夢過眼雲烟頃刻花  
賴有荒園依舊在入門一笑夕陽斜

嶺海歸來兩鬢霜當年親友半滄桑欣看荆樹榮三徑  
快著萊衣向北堂猶子聯翩駒齒壯諸孫蔚起鳳毛翔  
天倫別久今歡聚把酒團樂話轉長

萱堂鶴髮眼婆娑歡極成悲涕淚多回首細詢京國夢  
傷心怕聽海天波廿年遠別馳

皇路萬里新歸鳴玉珂且喜慈顏猶健在稱觥戲綵欲  
高歌

荒村老屋少時居。架上猶存昔讀書。舊種樗榆皆擁腫。  
新栽桃李亦扶疎。親朋攜酒來情話。雞犬依人愛入廬。  
始遂閒居潘岳志。春風細雨一騎驢。

連雲書屋存稿卷四

葢州 焦和生 琴

出山詞留別故鄉送行親友二首

己巳  
二月

有客攜琴賦遠行  
臨歧戀戀不勝情  
非因好爵難甘隱  
正值 昌時敢避名  
泉石漫云猿鶴怨  
山林猶繞夢魂清  
衰年親友今遙別  
後會何期涕淚橫

四載家居化日長  
無端又復夢黃梁  
萍踪梗跡隨漂泊  
蕉鹿泥鴻認渺茫  
傀儡登場原是戲  
風帆入海最難量  
離懷此後憑誰解  
只望音書寄異鄉

山海關

秦關繚繞望難窮  
跨海連山氣勢雄  
萬里無人南牧馬  
九邊有將北彎弓  
往來過客稽查密  
出入行商貨利通  
自是

聖朝崇鎖鑰  
金湯鞏固冠天東

永平府

本是當年孤竹國  
夷齊千古奮高風  
萬山環繞關城險  
二水滌洄地勢雄  
城外青龍河北控龍沙連朔漠南臨稍南爲灤河  
瀛海接洪濛  
往來經過恭桑梓  
三百年前舊德崇  
始祖本永

平撫寧縣石河社人以軍功於前  
明時爲盧龍營僉都指揮使世襲

### 撫寧縣

撫寧先代起家地世遠年湮不可求何日石河親過訪  
水源木本細探搜

### 秋日偶成和文泉韻

寂寞長安客蒼涼獨夜秋青山勞遠夢白髮種閒愁舊  
雨逢新賞新詩恣唱酬思量行樂好塵事復何求

### 釋服感懷二首

蓼莪讀罷涕潸然風樹蕭蕭歲晚天愛日有心悲宿草



酬恩罔極痛荒阡歸閒暫慰慈雲眼景短空回宦海船  
和生因在瓊路遠親老未能迎養故於乙丑春辭官霜  
歸省冀盡子職乃旋里甫及一載而先慈卽見背霜  
露愴懷時序改不親色笑已三年

白楊零落動悲風往日音容想像中海上墳連山色碧  
枕邊夢斷淚痕紅斑衣縱好爲誰舞紫誥雖榮半亦

空先慈疊遇覃恩受四品封此後餘生何足計行雲流水付窮通

追輓紀文達公相國座師五首

夫子真人傑挺生第一流胷中羅四庫才氣貫千秋公承

修繁汗牛充棟公俱一一考據詳明列序首簡凡所著作

莫不膾炙人口  
班馬應同席  
匡劉莫與儔  
精靈歸列宿  
炳朗耀皇州

躬際文明代  
賢良結主知  
早年簪史筆  
晚節

掌綸絲禮樂  
通今古風裁  
峻羽儀公由甲戌科會試以名解元中

進士入詞林歷官清要至協辦大學士中間於  
禮部尙書都察院總憲兩任歷年尤爲久遠  
公門桃

李盛幾輩茁孫枝  
公屢掌內外文衡桃李滿天下自閣部封疆及翰詹科道等蓋不下數十

百人矣

學篤文彌富  
官高老愈貧  
霜松覘節槩  
龍馬憶精神  
寰

海欽山斗鴻  
儒領縉紳潞  
公風度罕獨  
步上星辰

賤子登龍日感深知己恩校書追 祕閣議禮侍 天

門余自甲辰科會試蒙公知遇之恩得官比部丁未年  
隨公詳校四庫全書於 文源閣迨乙卯歲升授禮部郎中  
熱河詳校全書於 文津閣迨乙卯歲升授禮部郎中  
時公爲大宗伯復隨侍勦辦典禮蒙保薦御史及坐  
擢廳差務四譯館卿並京 小草噓常植春暉道自尊絳  
察一等蓋承師恩獨厚云 帷風日冷洒淚向黃昏

大雅難重作英魂不可招三長留汗簡一羽在雲霄燕

市虛堂冷河間舊墓遙歸葬河間府獻縣感懷空悵望風雨暮

蕭蕭

追輓張石癭同年五古一首石癭名樹槐杭州仁和人甲辰進士同年

官刑部廣西司主事與余莫逆交  
後以出同鄉印結註誤降官歸

石癯古君子與我爲同年秋曹共讀律觀摩白雲篇斜  
街僦屋居洽比同一廬得暇輒促膝晨夕交纏絲時有  
荔園子所居懺園連又有浩持君論辨常驚筵二人亦  
同譜豪爽任天然素心成莫逆相與追前賢春花開海  
棠夏樹鳴新蟬時時載酒果處處鋪設籩月菊不自賞  
松雪還招延名園與古寺所到聯吟鞭猶憶丁未夏奉  
命讎瑤編天祿在西苑出入沿林泉飽看 禁籞

山遍躡前湖蓮

余與石癯諸公奉 派 圓明園詳校  
文源閣祕書同寓一畝園退值後卽

遊覽山水賦  
詩飲酒爲樂

兩月對榻佳詩句相雕鐫從此情愈密風

雨總相憐訂爲文酒會快結平生緣芝蘭投夙契金石

同貞堅但知盍簪樂焉識別淚漣天風倏忽起雲月難

常圓遂令梗萍散飄蕩茫無邊或作河上楫或去江湖

眠或視襄漢兵或浮南海船

己酉冬浩持擢南河司馬  
辛亥石癰降官歸浙至癸

丑荔園觀察襄陽戊午  
冬間余亦出守珠崖

荔園信特達勦賊持兵權正直

忤上官萬里投軍前冰山更雪海題詩笑張騫歸來主

講院吟魂老青氊

丙辰歲荔園被劾去官戊伊江庚申  
蒙恩放還旋掌廣平書院戊辰

逝浩持亦磊落光照淮揚天因人誤一蹶星轉中州躔

浩持由揚州司馬洊升淮揚  
監司後被誑誤改補河南守嗟我守瓊島儋耳訪坡仙  
六載念將母歸去同忘筌  
余守瓊六年因親老去任惟君卧山水高

歌筆如椽經術克教子家學傳真詮  
驂騑盡騁步一鳳

騰九千修文忽有召馭鶴奚辭焉  
石癯歸籍後詩文益工教子成進士入詞

館於乙丑歲以疾卒於家嗚呼忘形友幾處成新阡  
當年快聚首今

日嘆逝川君與荔園去重泉並詩肩  
我與浩持存遠客

望雲烟存者剩殘夢去者如解縣  
生勞死自佚蝶化飛

翩翩天地若鑪冶萬物隨機旋  
他年共把晤一笑同參

禪

九月十三日長子沛霖聞後歸里

兩年依倚客京華  
賴汝承歡欲忘家  
此去歸鞭乘夜月  
空留老眼對秋花  
青燈莫滅雲霄志  
烏髮方欣歲月賒  
九萬鵬程終易到  
男兒努力是生涯

廿一日寄沛霖

此心終日逐歸鞍  
鄉井迢迢去路難  
邊地風高秋氣冷  
朔天霜滿客衣單  
關經山海須停馬  
水渡遼河慎倒瀾  
沛霖未帶路票恐出關留難又牛庄  
河通潮水波浪甚大難渡心甚懸切  
屈指冬初方到里  
尺書飛寄報平安

歸家切莫憶 神京我自安然解衛生  
母子庭階言樂事弟兄歡愛篤芳聲  
經書久忝傳韋相婚嫁尤慙畢向  
平珍重吾兒須記取早將心事代扶成  
全兒讀書未成幼女未字此余心事之大者

都中遣懷八首

十年不走春明路此日重來意可傷  
官舍如前人半改友朋無幾鬢全蒼  
相逢動說民生薄近市先知物價昂  
回首何堪言往事臨風惆悵一迴腸

二千里外思鄉客五十年餘老病身  
過眼繁華成短夢



蒲頭霜雪照殘春空懷舊雨歡遊地難覓寒燈共話人  
賸有一樽燕市酒攤書獨酌亦傷神

日邊羈旅又初冬清夜愁聞報曉鐘塵市寧憐三倍賈  
耕餘不羨萬箱農書生面目依然在宦海萍踪難再逢  
遙望西山烟景好何當快意一扶筇

故鄉何以慰相思正是佳兒到里時

沛霖歸家計日應到親友遍

詢京客況家人應念老書癡園中晚菊荒三徑門外寒  
波繞一池兩地關心傷寂寞燕山風雪動高枝

偶到天街客眼新卅年蹤跡渺前塵相看特達無同輩

屈指知交半古人餘夢闌珊誰喚醒孤花冷落總酸辛  
思量只合千場醉消盡浮生婪尾春

去歲辭家夏正長客中曾記過端陽

去歲赴潘請  
客值端午節留都

風土真醇樸遼右民情謹蓋藏寒暑兩更新節序衣冠  
屢易舊行裝黑貂裘敝黃金盡季子何時返故鄉

秋來老境已堪悲况復重看雨雪霏一榻布衾眠冷鐵  
半窗冰月透孤幃朱轡皂蓋當年夢快馬輕裘此日非  
耿耿愁懷渾不寐金雞唱出火輪飛

莫向親知說夙因客踪渾似鏡中春甲科門下餘三士

壬子科四川門生登進士  
官京職者止廿王周三人  
兩榜恩師賸一人  
余癸卯甲辰鄉會試

座師房師止覃溪師  
尚在餘皆作古矣  
塵世幾回開笑口我生焉得比靈

椿吟詩且自舒懷抱轉眼鴻泥跡已陳

追輓瑞秋仙比部

滿洲人刑部福建司主事工草書能詩好客樂與文人遊卒時

年纔四十餘

秋仙雲署客幾載舊同官雅興多才思相期結古歡書

臨淳化帖詩步少陵壇乘化遽歸盡聞風心獨酸

絕妙佳公子英年迴不羣如何提赤管倏去作修文詩

草埋塵土銀鈎付斷雲我來思一奠無處問荒墳

公尊人海

中丞任山西  
浙江巡撫

喜茹古香宮詹同年由奉天學使任滿還朝并

謝去歲在藩見贈七律三章

憶從瓊宴接芳塵快識金鰲頂上身宦海行蹤勞遠夢

天涯咫尺隔仙津

先生爲甲辰第一人在京相處甚歡嗣疊出晉楚學差余亦遊宦嶺海道

遠別久空勞夢思追余告歸後讀禮家居適先生視學奉天相距數百里心切一晤而勢有不能去歲夏赴藩請咨又值院試咫尺相左始知離合有定數也青雲門下三千士舊雨人間十

四春

自丁巳別至今

白首蘭交今落落閒時相話莫辭頻

此日歸朝獻樸忠斤荷風範侍東宮桓榮稽古

恩方渥疏廣傳經道正隆笑我迂疏櫟散老憐君特達  
海天空文名事業均千古譜未聽來也自雄

去歲新詩贈我行讀來字字覺神清纏綿古誼雲天似  
感激深懷肺腑盟愧乏鱗鴻遲未報更嫌瓜李迹難明  
本省學政恐滋物議故未敢頻通音問短吟聊作殘篇補幸宥疏慵太不  
情

恭上翁覃溪座師二首

卅年知遇感深恩垂老師生誼倍敦自顧莊荒慙陸氏  
難忘傾重本龍門儀型寰海欽山斗著述如身付子孫

長君丁未科進士入詞林八秩精神猶矍鑠佇看瓊宴又開樽明春重宴

海內靈光讓我師春風回首憶當時三朝大雅扶文運  
一代鴻儒結主知同榜無人參末座及門幾輩見

孫枝欣承墨妙傳衣鉢老筆紛披洒硯池近承師賜法書

前答古香宮詹同年七律三章尋承見和再疊原

### 韻奉酬

京華又踏軟紅塵俱是當年夢裡身蕉鹿我方迷舊迹  
雲衢君正得通津龍樓高步東宮肅鶴禁來儀北闕

春白雪重聞歌郢曲故人偏荷眼青頻

回首陪京使節忠三年化雨溥鬢宮清風遼海聲聞

遠法眼天東物望隆培植士林經閣建奏請頒書

並創建尊經閣以藏官書選掄才俊馬羣空奉天從前無舉優貢例先生創行之所舉皆知

名粉榆幸沐棠陰澤從此人文氣象雄

手寫新詩真復行對君詞翰愛雙清相看蕊榜憐同調

共憶雞壇說舊盟已羨棘槐參黼座還期制作輔

休明名元德業千秋重不盡朋儕企望情

將赴湖北別都中諸友辛未九月

昔年出守瓊臺路曾別燕山歲暮雲

戊午出守瓊州於騰抄出京

今

日楚遊重話別故人幾輩惜離羣

王式菴周梧庭輩皆昔日送別者

邇來兩載住京華

帝里頻看

上苑花

己巳年五月到京時曾至門御河橋一帶看南北海荷花

西華

轉眼秋光今又老此間三見棗如瓜

寓居院內有大棗一株自巳年至今

已三見  
剝實矣

春明回首總消魂過眼繁華莫與論三十五年真若夢

飛鴻何處認泥痕

余自丁酉初來都下至今三十五年矣

駒光老我疾如梭揮手何堪感慨多珍重友朋須努力



致身宜早勿蹉跎

武昌此去試新聽察吏安民矢匪躬刻骨銘心忘不得

煌煌

天語在胷中

予請無欺並

聖訓時蒙

諭闕東人誠實

字每感泐不能忘懷云

古蹟爭傳黃鶴樓昔人名勝擅風流此行不敢輕吟句

崔李題詩最上頭

燕雲楚樹路三千握手魂銷意黯然好借隨陽來往鴈

寄書珍重達天邊

他時何以慰相思定有闕情憶我詩從古知交無遠邇  
停雲落月見心期

九月十六日出都

三年客京華一日別親友我行入楚中知交悵分手出

郭遠送行長亭勸進酒

是日門人王式菴員外周梧庭主事叔同鄉孫龍岩別駕年姪

王長年巡司相送於城外會濟堂

臨歧各贈言牽衣還折柳登車分道

馳斜陽催馬看霜風吹客衣宿雨淨塵垢桑乾水欲冰

盧溝月窺牖行行至新店黃昏亦已久一夕且淹留來

日復馳走飛鴻踏雪泥信宿皆非偶何時到鄂州應在

小春後

新歲感懷二首

壬申楚中作

兩年守歲

帝城邊今日逢春鄂渚天  
雙鬢初增新白雪一官未改  
舊青氊隨班朝謁衣冠冷  
逐隊趨公星斗聯屈指韶  
光驚老大不堪回首憶當年

壯歲心高意氣橫每逢佳節眼偏明  
雲樓琢句偕仙侶錦水掄才得俊英  
海外七年春布澤黎疆萬里夜談兵  
而今回想都成夢梅落江城動客情

哭王念修年姪

霜風一夜玉芝傾廿四駒光感死生

念修年廿四歲生時余正官京師

正擬同遊成遠大何期長逝隔幽明燕山燈火三年夢

楚水淒涼百日情

亡巳冬念修就余京寓讀書迄今三載又從余於去歲小春廿二日抵楚

至今年二月初三日卽世居楚正一百日痛爾才高偏不壽無多老淚洒江

城

撫棺一慟永分離旅櫬蕭然寄梵祠照夜藜燈煩老衲

經時麥飯遺童兒

樞移停城外清淨菴託尼僧代點燈火逢七日令節遣兒攜奚童往奠

英魂應有還家淚遺草空留覩物悲好待來年舟楫便

歸君用慰首邱思

擬俟明年糧船之便送君靈柩歸葬也

由武昌起程赴湖南桂陽州勘事留別省垣諸友

朝出保安門遙指長沙路此行入桂陽暫別武昌樹朋

僚送我行握手談情素贈別各有言一一通時務或曰

湖山佳湘衡慰風慕或曰道途長炎暑兼瘴霧往返兩

月程辛勤人所惡矧茲疑難獄八載多歧誤

盧歐二姓因爭墳山

釀命自嘉慶十年迄今未結

風波屢翻覆未挾橘中蠹以此不得平

日下頻投訴慎哉茲一往平反起沈痼嗟余聞此語惕

然增惶懼回憶少年時雲司會學步今卽年力衰仍然

昧世故當此盤錯任傷哉艱所遇但竭駑駘力冀答伯

樂顧

奉頌山制  
軍機委

敢云克平允聊期無懾怖不畏溽暑侵

豈憚淫霖注本無山水癖寧避豪彊怒惟恐小民冤人  
言滋牴牾持此精白意冥心求覺悟意者公生明神靈  
暗呵護亨衢由坎壈智慧來遲暮批郤而導窾自然得  
理趣洞庭浪雖高忠信舟可渡衡嶽雲雖深精誠光亦  
露待我歸來時看我南遊句

### 早發八分山

八分山下路崎嶇樹色葱蘢積翠森石上泉鳴流水曲

林間鳥弄楚歌音境幽頓忘行程苦心遠偏宜野趣深  
自笑平生多逸興使星到處慰登臨

由東湖至山坡

四望疑無路巉巖曲徑通秧針新刺水麥浪儘翻風樹  
色參差裏烟嵐遠近中山村農務急士女遍南東

咸寧道中

松杉萬疊接雲烟楚地蒼茫別有天客路都緣阡陌上  
人家半倚澗溪邊栽秧歌逐迎神鼓戽水聲連牧犢鞭  
官吏清明民氣樂臨風想見武城絃

時邑侯郎令  
頌有政聲

雨後發咸寧

宿雨動山城朝來喜乍晴  
樹林雲帶溼溝澮水添平  
好鳥歡聲集行人爽籟清  
澄懷真自得吟眺有餘情

由咸寧至蒲圻道中二首

重重山樹接雲天佳氣葱蘢望鬱然  
四面高峯深帶雨千章古木綠含烟  
飽餐秀色朝忘食細詠新詩夜廢眠  
誰道南來于役苦錦囊得句樂無邊

漠漠水田夾道旁泉流石閘響雷硯村蛙喜  
雨鳴塘急野鳥驚花落澗香到處童牛知耨地  
幾家雛女解栽秧



深山窮谷甘勤苦休說南風不競強

雨發蒲圻至港口驛

雨中看山隱烟霧但見青蒼千萬樹興人行水泥滑滑  
客子憑軒心悚懼盤旋度嶺如登天恰似邯鄲初學步  
臨深履薄古有言戰兢惟虞失足誤當年回憶使西川  
雨過柴關

陝西嶺名

同此趣安得聳身逐高鳥空際飛騰無

暫住不然御風學列子仙袂飄飄入雲路憑虛直上衡  
山頂岫嶠碑前看雁度桂陽嶺南只一望洞庭瀟湘在  
迴顧胡爲辱在泥塗中朝夕奔馳愁日暮林中黃鳥笑

人拙天際鳥雲正迴互東風颯颯雨又來入耳清涼聽  
瀑布略遲好景便難摹急喚烹茶助搜句

臨湘道中

終日荒烟裡南來眼界寬賞心山色好送客鳥聲歡翠  
竹干霄起蒼松拔地攢輿人傳好語今夕到長安

由雲溪至巴陵二首

臨湘連日雨今曉入巴陵峻嶺重重出崇山一一登盤  
旋同蟻轉迅捷似猱升晚宿岳陽郡樓高興可乘

洞庭應在眼湘浦亦非遙此地多才子從來重楚謠幽

蘭雖可佩忠魄豈能招惆悵靈均事令人意氣銷

岳州弔古

岳陽古蹟此高樓北客初來恣勝遊范記蘇書傳異代  
君山湖水壯千秋少陵才思今難繼武穆功名孰與儔  
往日英雄都莫問浮雲身世兩悠悠

雨發長沙午後新晴至湘潭宿

長沙一夜雨向曉尙紛紛岸濶湘江水城連岳麓雲路  
迷人不見樹隱鳥空聞誰識勞生夢泥塗策馬勤  
雨歇烟雲淨行行景物清林巒天際聳樓閣水邊明禾

隴青葱色溪流澎湃聲湘南今夕佳剪燭話新晴

經過昭山

絕頂林木深秀沿江市鎮樓閣倒影最佳

贈應未堂太守

江西孝廉名先烈現知常德府同余赴桂陽勘事

建安才子說徐應今日南來慶得朋意氣元龍樓百尺  
汪洋叔度浪千層感君豪爽三秋月滌我塵煩一段冰  
更愛衡山如舊識歸時蠟屐擬同登

自桂陽州赴新塘卽景四絕

面面羣山列畫屏家家流水護門庭由來寶藏興騰地  
州產銀一抹爐烟入眼青  
鉛銅礦

山分宮霍路高低到處林巒望欲迷  
烟火數家山色裏不成村落只巖棲

山外重山望不窮  
清泉白石響玲瓏  
平生只爲登臨興  
直到南天眼始空

終朝積雨洗塵埃  
今日南行霽色開  
可是山靈真有約  
天晴招我看山來

此行卽爲  
履勘山場

### 桂陽北歸道中二首

桂嶺歸來眼界寬  
心閒不覺道途難  
插天遠勢憐奇岫  
激石飛流送浚湍  
到處麻田連稻隴

桂陽常寧種麻  
者多煮以製葛幾

家炊火出林端啁啾聽遍南禽語信是茲遊愜古歡  
大山遠繞小山低曲徑盤迴東復西翠竹千竿籠日起  
蒼松萬疊拂雲齊疑眸佳境真如畫入耳清音不盡題  
恰似山陰勞應接歸人馬首欲俱迷

再贈未堂太守

未堂由縣令升太守在甘省首邑  
首府任內多異政後隨征教匪屢

出奇  
策

卅年筮仕競稱賢事業文章薄海傳異政匡時春有腳  
紆籌決勝筆如椽西陲士女安耕鑿南國黔黎譜誦絃  
此日相逢真恨晚芝蘭雅契晤前緣

兼句風雨喜連牀把酒設深夜未央醉眼傾懷開笑口  
質心耽句慰羈腸英姿磊落真難及陋質衰殘祇自傷  
遙計星沙分手後鄂雲湘水夢俱長